

EKSPERYANS REZIDAN FWONTALYE NAN LÒT PEYI.

Kanè rezidan fwontalye a pa yon bagay ki nouvo nan peyi Amerik Latin yo ak Ewòp, pa Ekzanp: Meksik, Kolonbi, Kostarika, Ekwatè, Pewou, Venezyela, Bolivi, Chili, Lespay epi jiska MERCOSUR genyen eksperyans ki menm jan ki pèmèt moun yo deplase san pwoblèm nan fwontyè yo ki debouche sou siksè pandan anpil tan.

REZILTA METE KANPE KANÈ REZIDAN FWONTALYE

Rezilta nou obsève vrèman trè pozitif, kanè rezidan fwontalye a rann travès moun yo pi fasil, li dinamize komès la, diminye koripsyon epi ogmante sekirite a, li pèmèt migran yo reklame dwa yo nan yon fason ki pi efikas.

Lè popilasyon transfwontalyè a dokimante, gen kontwòl domisil yo tou, konsa rive genyen tou enfòmasyon byometrik ak pèsone yo, ki debouche sou yon sipò pou mete kanpe, enpleman politik piblik yo an jeneral.



TAB DYALÒG TRANSFWONTALYE



TAB DYALÒG TRANSFWONTALYE

Nan objektif pou amelyore relasyon binasyonal yo, yon Tab Dyalòg Transfwontalye te rive mete sou pye pa: SJM/SFW Solidarite, SJM/SF, GARR, OXFAM 2 peyi yo, OIM 2 peyi yo, RFJS 2 peyi yo, Centro Puente Dajabon, OCHA, Kwa Wouj, ADELNEH, Cluster Turistico, CODEFRO, Casa de la Cultura, Lameri 2 peyi yo Sè Sen Jan Levanjelis. Tap Dyalòg Transfwontalye a se yon espas ki reyini plisyè enstitisyon k ap travay nan zafè pwoteksyon dwa moun sou fwontyè. Nò zile a pou nou reflechi sou pwoblèm ke n ap konfwonte sou fwontyè a epi pote solisyon sou diferan tèm: tankou Kanè Rezidan Fwontalye, Komès, migrasyon, vyolasyon dwa moun, jesyon konfli ant 2 pèp yo.

KANÈ REZIDAN FWONTALYE, LWA 285-04 AK RÈGLEMEN 631-11

Pou dinamizasyon ak devlopman Zòn Fwontalye Repiblik Dominikèn yo

FWONTYÈ A

Fwontyè ant Repiblik Dominikèn ak Ayiti se anviwon 391 kilomèt li ye epi li etann li nan tout liy lan. Li genyen ladann 5 pwovens dominikèn (Pedernales, Jimani, Elias Pina, Dajabón ak Montecristi).

Gen pou pi piti katòz (14) mache binasyonal kote plis pase 200,000 moun frekante pa semèn, yo travèse pa pakèt nan youn nan 4 pwen fwontalye ofisyèl aktyèl yo:

Pèdènal-Ansapit, Jimani-Malpas, Elyaspinya-Beladè, Dajabon-Wanament.

Daprè enfòmasyon CEI-RD ap jere, balans rantre nan echanj komèsyal enfòmèl fwontalye a, li an jeneral pi favorab pou Repiblik Dominikèn, e li pa limite sèlman a espas komèsyal nan mache fòmèl yo, men li etann li tou nan komès lokal la ki nan zòn fwontalye yo, kidonk demann pou pwodui yo se chak jou.

REZIDAN FWONTALYE

Rezidan fwontalye a, se yon kad jiridik, ki nan lwa migratwa Repiblik Dominikèn, ki vin pote satisfaksyon pou bezwen moun yo, nan yon fason oubyen yon lòt, ki ta dwe travèse chak jou nan kad travay ti komès yo oubyen pou achte kèk pwodui yo pa kapab jwenn ann Ayiti.

Nan Premye Resansman ak Dezyèm Ankèt Achtè yo nan Mache Binasyonal la nan zòn ki delimite fwontyè a avèk Ayiti, yo jwenn gen 14 mache ki fonksyone 2 fwa pa semèn. Gen 181, 707 moun vizite yo. 95 mil ladan yo se dominiken (52.3 %) epi 86 mil se ayisyen (47.7 %).

Nan 86,652 achtè ayisyen ki vizite mache fwontalye yo, 32,212 ale Dajabón (48.40 %); 17,527 ale Comendador (19.28 %), 11,623 ale Tilori (4.39 %); 9,183 ale Jimaní (8.70 %) epi rès pousantaj la distribiye pou rès lòt mache yo.

Nan zòn fwontalye yo, done ofisyèl yo bay genyen 5,221 vandè, pami yo 2,518 se dominiken (48.23 %) epi 2,668 se ayisyen (51.10 %). Gen 0.67 % nan vandè yo ki gen lòt nasyonalite.

Echanj ant kominote fwontalyè fèt nan zafè komès, travay agrikòl, aktivite relijye, sosyal, famiyal, akademik, kiltirèl ak espotif.

EKZIJANS POU W APLIKE POU YON PÈMI REZIDAN FWONTALYE.

Dapre Atik 36, paragraf 6, nan Lwa Jeneral Migratwa, n°.285-04 ak Atik 81, nan seksyon e, Règleman Aplikasyon n°. 631-11, men eksizjans yo:

- Fòmilè pèmi Rezidan Fwontalye ya.
- Kat idantifikasyon nasyonal Ayisyen an, ki valab nan Repiblik Dayiti, avèk yon lane (01) pou pi piti avan dat ekspirasyon an.
- Sètifika absans kazye jidisyè nan peyi rezidans moun ki fè demann lan, li dwe tradwi si li nan lòt lang, sele oubyen legalize pa Konsila Dominiken ki koresponn pou fèl la.

Yon lèt de garanti yon moun fizik oubyen moral ki gen nasyonalite dominiken oubyen yon etranje ki legalman rezidan nan peyi a ap bay, k ap ekzèse yon komès lisit, ki domisilye ak rete nan youn nan pwovens fwontalye ki etabli nan Règleman No. 631-11, kote ke li di ke etranje k ap reyalize aktivite ki pa gen pou wè ak travay ki dedye li a travay agrikòl ak komès lisit, kote ke li menm se kliyan moun ki bay garanti a oubyen, ki bay tèt li kòm responsab moun sa devan Direksyon Jeneral Migrasyon an nan sa ki gen pou wè ak konpòtman avèk retou moun sa chak jou nan peyi kote li sòti.